

138
5
81

東 京 圖 書 館				
五	八	四	三	和
冊	號	架	函	書
				門
				類



訂校
魏安國語
卷壹

探參子語為生瑞正死回山葉叶
子來山暗輝客之義經未及一旬
即林之父子根原等一之進以之
禪法已為禪安之入意妙法者
冥妙悟證以禪禪以圓法其禪
如空雲之空陰法由之空富
平一多法把家上之及林平道入

年之之能宗河之の事と嘆也其正
嘆之なるを如來を指之長土者
不現何國法を禪の必以之空
典以産飯為の能言藥之能言者
為博可取拜瑞法有於年重水禪
法の法言志之年別禪曰吾如林之
世著述等詩を深好長生の如也


定方心禪之為家上之為家乃乙以
再續世之果四心之為家乃乙以
里皆終之可也心之樂也如延年
定個者之可也心之樂也如延年
如之痛也心之可也心之樂也如延年
神也心之可也心之樂也如延年
如之痛也心之可也心之樂也如延年

少門七十老初決少錢



正四位少公城之改書





此報亦非祖國河老小野僧
 庶首蘇之復其物其老淳
 老安親切志加之海流元符
 名之槐安國陸陸嚼飯銀

明也見之子我言是併國詩言
蘇金到困栗棘道學為
觸之見之黃備在佛之表
身法向在宋中矣為指月
在士者德法心正得以此

深而為於予之素之相文不
云得明時後月一之理於此
一句子子佛業祖傳之傳應千
英業傑會之會也若此自
清向未始此也以此會而生

見之筆有國師後之意
子見乃物存直截亦不
妨見劍去久矣

明德十年秋

大德牧宗漢



槐安國語序

評唱龍寶開山國師語錄拙語

惟時寬延第二己己曆孟春開制日予西
東住菴諸子誓首羅拜而告曰夫如大德
開祖者東海日多之先驅而華鳩國師之
老爺也有弄大旗惡手脚門牆孤危無讓
南泉長沙應緣步驟有黃檗慈明體裁其
錄甚高雅而偈頌帶明覺風調然久秘大

德藏裏人多無知之今其兒孫可以億數
其中雖博覽盡二酉強記窮三張底無披
閱之徃徃得傳記百家書則如拾玉炬於
暗路獨到乃祖錄不顧者何哉如傳記百
家則不讀亦可也於其宗祖錄則不可不
熟讀也願師評唱之當今之世一舉發大
輝者非師而誰哉貴使兒孫知有此錄矣予抑
揄曰不可也不可也夫佛祖無上妙道曠

劫難行而難忍能忍難行能行而後到成
辨大事吾輩小德小見憍心慢心豈可輕
著手脚哉諸子曰師向講演碧巖錄者數
次此書與碧巖錄重輕何如此書之講若
非則碧巖錄亦必非也碧巖錄之講若是
則此書亦果是也請師居一於此矣莫謂
覺今是而昨非予曰如碧巖錄處處皆有
之如此書大德雲門菴藏秘而無漫印施

也爲之何如諸子曰上龍峰諄請秘典吾輩之任也豈假師手哉子曰如碧巖錄有鰲頭有諸鈔如此書國字亦不加如何得開口况寡陋野夫從前纔有少憶持記持十之八九既遺忘了也到大師浩渺言字海瀾漫毒波浪啞子嘗苦瓜如何說向人唯千萬恕之諸子曰探陳篇校讎事實雖不敏伏請竭鴛鈍師唯拈弄一遍足而已

予進退惟谷不知所言緘默竟休越首衆者諾與薰壽輩偕謀定大綱隨其所能而役之願與頤行程數百里裹糧涉嶮馳京師上龍峰懇請印施不日得百餘帙而馱載將來曾與隆者借探陳篇於諸方而竟作百餘紙秣膏書中難解事實大畧抄錄有滴露磨朱分句讀者有考字義者有加國字添訓點者既集而大成推出予面前

予不遑固辭茫茫而不覺上此座恰如乞
餓水於河頭擔來又擬賣河頭者轉不勝
慚懼之至枉綴俚語一章以止諸子啼格
爾丙丁童在麼

明南浦子

玄關山爺

對鳳簾鞠躬解龍顏功歸誰
跨鯨海汲毒浪來傷害之子
初行鎌倉滴汗於萬壽室

後走華洛呈見於韜光菴
佛國禪師渡印可他

不久透韶石關徹見鑑夷顧
中頃聞百丈語擊碎杻械枷

五條橋下二十年

折脚鐺內煎猫頭煮鴉羽

九重城裏五節會

曲木牀上吐狐涎鳴狼牙
橫嶽百日住僧

息耕三世禍蘄

雲門再世臭骨

扶桑第一毒華

打破乾坤活捉南都北京律虎義龍

眼空寰宇氣吞佛祖

端居法窟惱害西江東湖驢腮馬頰

心如波旬面似夜叉

乞者隊裏被席見生擒依貪甜瓜

貴人頭上秉拂恣談笑依吞栗棘

五百年間出瞎知識

三轉語彌天惡口禍

有錄大德藏裏

四百年寶惜如太阿

無錢長安城下

數日程屈請過佛骨

絞頤頤兩個忠膽窺驪龍領下

傭魯隆二子隻手正字義等差

近効勤佛果老婆禪

各請鵠林瞎評唱

雖避洗心子嫉妬火

錯墜雪竇葛藤窠

添烏馬於魚魯


責鳳鳴於山鴉

腥風膽寒老戾脚末期任手拗折臭血痕

到今染汚佛袈裟

寬延第二己巳歲晚春仲浣

沙羅樹下白隱老衲謹書




槐安國語標目

卷一	卷二	卷三	卷四	卷五	卷六
開筵	住大	住崇	退崇	頌古	淨居
出示	德語要	福語要	頌古	大隨却	又
住大德語要				火手	頌古
				迦葉	頌古
				百丈	頌古
				三魚	頌古
				汝界	頌古
				名什	頌古
				山遊	頌古
				外道	頌古
				雲門	頌古
				巖頭	頌古
				保福	頌古
				遊山	頌古
				思問	頌古
				希遷	頌古
				四	頌古
				三	頌古
				二	頌古
				一	頌古
				五	頌古
				四	頌古
				三	頌古
				二	頌古
				一	頌古
				六	頌古
				五	頌古
				四	頌古
				三	頌古
				二	頌古
				一	頌古
				六	頌古
				五	頌古
				四	頌古
				三	頌古
				二	頌古
				一	頌古
				六	頌古
				五	頌古
				四	頌古
				三	頌古
				二	頌古
				一	頌古

槐安國語標目

翠岩眉毛一 犀牛角子二 雪峯住菴四
 併却咽唇六 泉參百丈八 大隨問僧九
 三角此事十 不二法門十二 趙州孩子十四
 月夜浙索十五 厨庫三門十七 馬祖不安十八
 雲門胡餅十九 百丈開田廿一 平田大敗廿二
 寰中蒼天廿三 藥山者箭廿四 國師立義廿六
 麻三斤話廿七 不思善惡廿八 祕魔木叉廿九
 廓然無聖三十 風穴出語三十二 胡乱卅年三十四
 卷七 拈古
 臨濟孤峯一 天皇恁麼一 鼻孔遼天二
 雲門北斗二 雪竇二龍三 大苑底人三
 臨濟疑着四 雪竇問浴五 穴野盤僧六
 婆子勘破六



槐安國語開筵垂示

鵠林垂示曰雖與我同條生不與我同條死此語
 極難入難解斯名法窟爪牙斯道奪命神符西天
 此土祖祖相傳來南泉長沙黃檗趙州投子巖頭
 雪峯長慶保福翠巖乾峯雲門首山慈明揚岐黃
 龍真淨息耕專用此機逼殺瞎證閑神野鬼粉碎
 枯禪疥癩野干昔有七賢女呵天帝釋云你若無
 此物他日如何利人調御親證據曰我弟子大阿
 羅漢不能解此義唯有大菩薩眾應解此義此其
 權輿歟越四七二三唯傳此些子其餘波流普五

印溢赤縣既及上桑樹洛有千光聖一相有大覺
 無學與有圓福越有永平筑有崇福紀有興國鬪
 毒華於二十四番結惡果於五家七宗就中如吾
 龍寶開榛者特其尤者也鼻孔吸盡南浦毒浪耳
 朵飲乾東海狂瀾嶮如舞女走竿活似市兒弄丸
 蹈翻二乘小果之窟宅驅盲龜於空谷奪却相似
 涅槃破屋鞭跛鼈於草窠機鋒峻嶮鬼神不能觸
 面目嚴令佛祖不喜看惡毒語句雖集得三帙木
 札美鐵釘飯時人總無顧雲門藏裏滯貨誰敢酬
 價今歲寬延已已春住菴千指諸子乞提唱之喝

走不止三止四請終纔繙卷帙毒焰照膽怒氣徹
 骨一唱三嘆每對卷牙戰股震悲喜交湧一者悲
 如是，大光明如此大寶聚終無人顧二者喜澆末
 輕浮遠孫薄福昏愚野夫何幸拜披此金文茲効
 大師雪竇錄做拭羝羊眼抽狐狸智謹每句下語
 畢非是求聞達於當世結勝緣於不朽諸子亦佗
 日有把茅蓋頭合志定計冠事蹟於上加國字訓
 點共印刊以便後學且教人知有此錄莫謂鵠林
 無義荒唐說話以欺瞞後昆了不信請看取下文

槐安國語卷一

龍寶開山語錄中事

住大德語要

師於嘉曆元年十二月八日開堂

拈衣云

〇都府樓纔見瓦色觀音寺只聽鐘聲

千尺

不過丈六

〇月高城影盡

雞足不如大德

〇霜重柳

條疎

何故舉衣云頂戴披之誰辨正色

〇言車之功

輟不與焉

陞座拈香云此一瓣香

〇上透霄漢下徹黃泉

蒸向

爐中恭為祝延萬萬歲

今上皇帝聖躬萬歲萬歲萬萬歲

〇南海象樹不知春秋

陛下恭願 龍圖永固 玉葉彌芳 ○長春殿上金鐘
動萬歲山前玉漏遲

次拈香云此一瓣香 ○乾坤內宇宙間中有一寶秘
在形山 燕向爐中恭為祝延

太上天皇聖壽億萬歲 ○斗南長見老人星 恭願超

上德於千載 ○王登寶殿野老謳歌 樹風聲於後昆

○聖主必待賢臣而弘功業俊士亦俟明君以顯其
德 又拈香云此一瓣香 ○湘之南潭之北中有黃金

充一國吹毛截不入輪鎚擊不開 奉為金紫光祿大

夫黃門侍郎增崇祿筭 ○求賢以德致聖以道 伏願

松柏之壽甫申之幹柱石國家撫育生民 ○水廣則
魚大君明則臣惠

此一瓣香 ○天高東南地傾西北 奉為光重法筵諸

尊官洎滿朝文武百僚增崇祿筭 ○珠玉無脛而自
至者以人好也况賢者之有足乎 伏願安國利民齊

伊周之古術 ○水廣則魚大也俊人在官則治道清
奸佞干政則禍亂作 乃忠乃孝稱思軻之正範 ○王

聖臣賢天下盛君明臣直國之福也

此香在雲門關裏久為衲僧鎖口訣 ○五百年滯貨
如何今時人顧底半箇亦無若有燕向爐中亦可曾

拾得於鎌倉縣畔巨福山頭和氣霽然囊藏二十年
來○試道幾重包裹香風隱而彌露今日拈出熱向
爐中供養前住建長禪寺 敕諡圓通大應國師南
浦大和尚用酬法乳之恩○春江潮水連海平海上
明月共潮生

師就座顧視大眾云便恁麼相見早隔五須彌若也
待開口三生六十劫還有知箇中事底麼出來對衆
決擇看有麼有麼僧問雪山雪寒吾佛成道法堂功
成和尚開堂建法幢立宗旨正在此時諸官臨筵請
師提唱師云國清才子貴家富小兒驕僧云直將一

句無心法仰祝萬國泰平瑞師云滿口道著僧云記
得慈明開堂有僧問攢錦簇花郎不問如何是本來
面目明云一言已出駟馬難追此意如何師云石從
空裏立火向水中焚進云僧云明明三際曉皎皎一
輪孤明云一輪底亦作麼生意在那裏師云魚龍穴
下盤根閣日月輪邊氣象滾進云僧云泊合放過明
便唱如何辨端的師云劫石易消村話難改進云上
來一一蒙指示只如和尚今日開堂說法當機覲面
如何接入師云眉毛厮結準上厮拄僧云作家宗師
天然有在便禮拜師云且緩緩又云更有問話者麼

又有僧問，記得龐居士辭藥山居士，指空中雪云：「好雪片片，不落別處。」意旨如何？師云：「難提掇處，轉有則。」僧云：「時有全禪客云：『落在什麼處？』」士打一掌，又作麼生？師云：「八角磨盤空裏走。」僧云：「全云：『居士也，不得草草。』」士云：「汝恁麼稱禪客，有人不放汝在，如何？」委悉師云：「咬定牙關。」僧云：「全云：『居士作麼生？』」士又打一掌，意在那裏？師云：「多添少減。」僧云：「虛堂祖翁云：『雖則是兩掌，其間有擡有搦，有收有放，如何辨別？』」師云：「到此大行僧云：『上來已蒙慈悲，向上宗乘，事如何舉？』」唱師云：「千峯雪白，萬壑風寒。」僧云：「老師果是人天大導師，便。」

禮拜師云：「許你歸衆去。」

乃云：「我本無心有所希求。」○青原伯家三盞酒喫了，猶言未濕唇，抱賊叫屈，大欲如無欲，大求齊無求。

鎖瀑泉聲細碎。○澄潭不許蒼龍蟠，死水何曾振古冰。

今此寶藏自然而至。○可惜許遲了也，殊不知威。

風搖寒木影孿拳。○鳥飛毛落水至，渠成又是家常茶飯。

况我宗仰禪者，與海南檀越，冒穹谷攀。

幽林。○見義勇爲，親擇巨材。○獨木不能架高厦，堆。

山積岳控溪水，與海通鯨波嶮處獨解透路。○爲是。

神通妙用乎，驅白牛於露地，結軌於百里。○本體如。

然乎鳩成風於大野響斧於一城 ○良匠無棄材明

君無棄士 或費郊外丁夫或勞山中普請 ○頭頭上

明物物上明 樹雲間之朱堂布五彩之檑椽 ○佛身

充滿於法界普現一切群生前 安燈王之廣座 ○盡

大地是者法王座豈假燈王力 莊三道之寶階 ○水

鳥樹林念佛念法作廢生 區區役役 ○不起道場現

諸威儀區區役役在何處 今日開堂 ○遍界古佛堂

何日有閑却 高答君臣徧報過現未來 ○一段風光

畫不成 大覺海中一切聖賢 ○三千世界海中漚一

切賢聖如電拂 生生所參見諸善知識眾中衣鉢道

友師僧父母一切恩門一切含靈 ○所有一切眾生

之類若卵生若胎生若濕生若化生若有色若無色

若，有相若無相若非有想若非無想我皆令入無餘

涅槃而滅度之如是滅度無量無數無邊眾生實無

眾生得滅度者為便是自然而至 ○水至渠成為復

是從功而成 ○制心於一處無事而不辨又是有無

視州裏坐多口阿師面上夾竹桃花肚裏參天荊棘

鸞膠難續斷腸人又恐多少喪身失命去罕逢穿耳

客多遇刻舟人 諸人於此會得去山僧不必解說 ○

和尚大慈大悲伏乞為解說 若也不會曲務速說擊

拂子云 ○止止有什麼長處說似一物即不中縱說
得八九十成猶是玄沙道底 所以前釋迦不前後彌

勒不後 ○不是分外事 無邊刹境自他不隔於毫端

○誰即不識 十世古今始終不離於當念 ○將謂十

世古今全離當念 一毛頭上現寶王刹一彈指頃轉

大法輪 ○殘羹餽飯狗亦不喫 雖然如是猶是建化

門中事也 ○有什麼不可分解却不可我愛建化門 向

上宗乘事又作麼生 ○堂中若有者漢壁開左眼云

貓出去大冷却一堂危哉 又擊一拂子云有意氣時

添意氣不風流處也風流 ○有麼有麼小比丘妙超

○歷劫無名錯安著名字 恭遇君聖臣賢不忘靈山

付囑 ○佛言佛法付囑國王大臣有力檀那 大平得路

成此梵刹 ○四美具二難並 敷揚正法眼藏 ○盡大

地沙門正法眼藏如何敷揚去 祝延聖壽無疆 ○我

常住於此常說法教化無數億衆生 山河大地草木

叢林情與無情同蒙光輝共力拜手 ○風搖松竹是

歡聲 妙超下情不勝感激屏營之至 ○阜風永扇佛

日增輝 復云昔日世尊六季戴雪頭上安頭 ○佛佛

要機祖祖機要有例攀例賺殺一船人 明星忽現眼

皮橫綻 ○捏目強生花可惜許 從此無端解道大地

含識具這如來知慧德相。〇謹謝如來深恩可惜許

人性上不可添一物何處著如來德相。大眾若是大

地衆生各各自有生涯。〇只恨多認賊爲子無差別

平等不順佛法惡平等故。從且至暮從少至老每日

起坐經行。〇認取却不可被毛從此得作佛亦依他

一是一非瞥喜瞥瞋並是他家活脫生涯也。〇學道

之人不知真只爲從前認識神無量劫來生死本癡

人喚爲本來人。何必貴如來智慧德相。〇縱不要如

何從頭具有來。後代兒孫得被者老漢惑亂。〇和尚

又作麼生謹奉賀特有老和尚不受他贖圓頂方袍

他受業師做

徃徃安禪靜慮刺腦入膠盆。〇只恨近

代安禪靜慮底兒孫亦甚稀。以悟爲望似緣木求魚

謂之望上心不足。〇聞有三十年前挾複子帶淚辭

播州走行相陽挨門傍戶俄又走華洛叩頭於韜光

菴呈望上心底老漢矣又聞近頃在龍寶堂上開木

口矣。大須辜負世尊出世本志。〇作麼生是世尊出

世本志曰爲一大事因緣故出現於世欲令開佛知見

故出現於世。且問諸人上來既道後代兒孫被他惑

亂。〇兩頭三面小賣弄。今也便道大須孤負他出世

本志是褒世尊是貶世尊。〇眼看東南心在西北欲

得周郎顧時時誤拂絃若道讚嘆因甚有惑亂之言

○過橋村酒有隔岸野花香若道誹謗亦何有孤負

之詞○到江吳地盡隔岸越山多或道褒貶隨時未

免隨語生解更道褒貶不施失却古佛家風○自携

瓶去沽村酒還著衫來作主人直饒道總不恁麼明

知莽莽鹵鹵去畢竟意在那裏○同天下利者得禾

下擅天下利者失天下所以山僧曾有一頌明星一

見雪重白○是甚麼閑事此老又重要惑亂人那眼

裏瞳人毛骨寒○第二重亦有雖然與麼更須子細

何故兩背由來拊雙眉元是單大地若無知此節○

只知途路遠不覺又黃昏釋迦老子出頭難○縱有

知此節者裡不許出頭六七四十二只如道眼裏瞳

人毛骨寒是什麼時節○要知山上路須是去來人

若能恁麼去日用四威儀中壁立萬仞孤迥迥峭巍

巍○要行便行要坐便坐用壁立萬仞為什麼如天

普覆如地普載○虛空消殞鐵山推那處著覆載底

天地如虛空含容○虛空生大覺中猶如發海一漚

如日月照耀○日月照臨不到天地覆載不盡因甚

如此今日臘月八○依稀上巳彷彿重陽

舉太宗皇帝因僧○是凡是聖恐是隨後婁敷漢朝

見帝賜座

○澤及於民則賢人歸之澤及於昆蟲則

聖人歸之

問云卿甚處來

○直鈎釣驪龍曲鈎釣蝦

蟆蚯蚓

僧奏云廬山卧雲菴

○果然出處亦不知三

步雖活五步須死

帝云卧雲深處不朝天因甚到者

裏○天風吹落桂花枝

僧無對

○作家禪客天然別

驚群動衆只是深山古廟裏無轉智大王

師驀拈拄

杖云太宗威容嚴肅機晤宏遠

○君子不猛不瞋民

畏於鉢鉢又是佛心天子

者僧寢默俛仰不失其禮

○不風流處也風流恰似羊公鶴

只如後來雪竇明

覺太師代云難逃至化又作麼生

○稽首明覺大師

明頭打著暗頭打不著

卓拄杖一下云四海而今清

似鏡三邊誰敢犯封疆

○兩朝寶峯國師暗頭打著

明頭打不著鵝林即不然者僧若低頭鞠躬道得拈

將廬山真面目以祝延陛下萬萬歲不唯明暗雙雙

感得天顏有喜近臣知何故君不密則失臣臣不密

則失身

正且謝兩班上堂僧問日暖風和萬物新相逢便拜

又相賀三乘五性不用問應節一句如何舉揚師云

分明記取舉似諸方僧云記得僧問趙州如何是趙

州州云東門南門西門北門此意如何師云黑漆桶

裏洗墨汁進云僧云不問這箇州云你問趙州意在
那裏師云烏龜鑽壁進云某甲不問趙州又不問老
師只是有一問請師答話師云莫向那僧背後問訊
進云恁麼則大衆露恩學人禮謝師云只要實到與
麼地進云領重重相爲師云領底作麼生進云也是
不空師云不因今日節

乃橫按拄杖云寅朝乍臨正景新至○是何時節要

識佛性義理當觀時節因緣

梅梢舒瑞氣幽鳥報賀

音○驪珠光燦爛蟾桂影婆娑

左右壯保愛之節東

西開納祐之門○頭頭顯露物物全真
崑莎步入祥

麟穩海樹飛來白鳳閑

○王登寶殿野老謳歌卓拄

杖下座

○甲不堅密與肉袒同弩不及遠與短兵同

元宵上堂僧問昔日西天迦葉初傳燈未審如何是
初傳底燈師云夜半正明天曉不露進云迦葉已傳
之龍潭爲甚吹滅師云倒騎牛入佛殿進云後來有
僧問香林如何是室內一盞燈林云三人證龜作鼈
是答迦葉底答龍潭底師云壺中天地別有日月進
云只如道三人證龜作鼈作麼生辨端的師云石人
相耳語進云忽有人問如何是室內一盞燈漸師云
紫羅帳裏撒真珠進云恁麼則動地放光放光動地

便禮拜師云大家自知

乃云燈燈無盡燈 ○黑如漆平原秋樹色光明千萬

里 ○大地黑漫漫沙麓暮鐘聲捍聚也不即 ○捍聚者

什麼物 放開也不離 ○何處著手脚 一片虛凝宇宙

寬 ○寬是為對陝陝亦由寬生者裏全無寬陝不知

然燈為誰記 ○四海只知天子貴不知天子作何顏

以拂子擊禪牀一下便下座

二月且上堂 問答不錄

師乃云春風浩浩 ○吹毛截不入 春鳥喃喃 ○輪鎚

擊不開 春雲冉冉 ○黃金色上 春水漫漫 ○更添黃

時哉時哉 ○剗好肉生瘡 時何孤負 ○捏目強生花

一任諸人東看西看 ○莫動著動著三十棒 忽有箇

漢出來 ○窮鬼子有甚長處纔見出頭即打 道老和

尚只知其時不知其節今朝天寒雪下如冬山僧向

佗道我餘一件事引得你一問 ○不覺觸佗蚯蚓怒

迅機顛蹶欲翻天

佛涅槃上堂僧問春色依依花木芳菲雙樹因甚一

榮一枯師云古今與麼見進云恁麼則人天悉莫見

世尊所入三昧麼師云泥人眼赤進云記得德山一

日齋晚老子托鉢自方丈下來此意如何師云步步

生荆棘進云雪峯云鐘未鳴鼓未響老子托鉢向什
麼處去又作麼生師云相見易得好進云德山低頭
歸方丈如何辨端的師云閻室藏燈進云岩頭聞云
大小德山未會末後句在還諦當否師云斷絃須是
鸞膠續進云德山云你不肯老僧那意旨作麼生師
云誰知只是有受癖心進云岩頭密啓其意嚮師云
覽盡瀟湘景和船入畫圖進云德山次日陞堂果與
尋常迥殊如何理會師云法出姦生進云岩頭拊掌
謂大衆云且喜老漢會末後句意有那裏師云事久
多變進云學人今日小出大遇便禮拜師云兩肩擔

將歸去

乃云世尊臨入涅槃

○事生也又恁麼去那甚麼處

得者箇消息來有一人全不肯一任一任

以手摩胸

普告大衆云

○鳥之將死其鳴也哀人之將死其言

也善此老漢將死其言也怪

你等諦觀我紫磨金色

身○休擔水賣河頭盡乾坤大地那處是不紫磨金

色慕豎起拄杖云者箇是大德拄杖子阿那箇是金

色身○兩頭共截斷一劍倚天寒五穀入而秦喜殺

出而燕懼

諸人一見便見不妨一得永得

○放下著

當何真皮襪

其或未然山僧謾諸人去○大小大國

師可惜隨邪逐惡去

百億須彌百億日月恒沙國土

恒沙諸佛

○狼藉不少七花八裂者殺風景分開亦

好譬如折梅檀片片皆香

盡在拄杖頭上增添金色

身光莊嚴涅槃妙相諸人還見麼

○者破漏逗老漢

自屎不覺臭

若尚未見卓拄杖云年年二月花狼藉

○改頭換面九尾野狐多變體又隨月色過羅浮

三月半上堂

問答不錄

師乃云桃花紅李花白

○仰山推出大瀉前損已命

也不知

靈雲玄沙立阡陌

○殊不知犯鋒初知和尚

有大知見者殺風景老漢

相爭祖道不敢休

○好一

金羹無事生事多口阿師

其勢不生多韜畧

長劍試言有何良策

春雨自知斷和句

○傍人有眼

兩虎相戰必為虞人獲

濛濛洒去空蕭索

○又是玄

沙道底也勝秋露滴芙蓉

兩兩三三解歸根

○愁人

莫向愁人說衆生顛倒迷已逐物

四維上下難尋覓

○說向愁人愁殺人自是桃花貪結實錯教人恨五

更風

既難尋覓因甚得大地載起

○甚新鮮鬼哭神

悲天地迴轉木上座曰者老漢把不住大

宮參玄士

不信聞予一偈一語當頭畧不分便將拄杖靠松根

山溪自是多狼虎未到黃昏得閉門

喝一喝云放過

一著

謝龍藏主上堂山僧拂子說三種禪○者小賣弄我者裏一種亦不要况二種三種忽豎起拂子云此是

換却佛祖眼睛底禪○上無諸佛下無眾生換却者

何人眼亦打一圓相云此是指出人天性命底禪○

是何繫驢楸三千里外莫錯舉擊禪床一下云此是

發雲雨大用底禪○降準若知齊鳥啄將軍合有五

湖心可憐手把天瓢水一滴私鄉關不得雷聲洪大

雨點全無雖然如是若是自非一氣轉得一藏底人

爭能消得多少風○自是鳳凰臺上客眼高看不至

黃金築壇拜處雖恩厚躡足報時慮已深

佛生日上堂僧問世尊今日降下未至地九龍吐水

洗金軀早是一場敗缺和尚要雪屈也是泥裏洗土

塊師云狗啣赦書進云指天指地金蓮捧足因甚脚

下紅絲線不斷師云要知山上路須問去來人進云

韶陽老人正令方行諸方未免將錯就錯師云夜行

莫踏白不水定是石進云不因老師點發容易難瞻

慈顏師云月到中峰猶未歸進云三十年後此話大

行師云馬無千里謾追風乃云本不曾上天何論下天○無孔鐵鎚重下楔本

不曾託胎誰說出胎 ○輪鎚擊不開可惜破鼈入空

谷 所以道淨法界身本無出沒 ○是非既落傍人耳

洗到驢毛也不清 既然如是因甚東家杓柄長西家

杓柄短 ○我常住於此 會得各各惡水驀頭潑 ○狼

毒肝腸 不然齊之以禮 ○生鐵面目

復舉世尊一日陞座 ○丹青畫不成齋嶽三千房雪

月長安十萬戶風煙猶隔半月程 文殊白槌云諦觀

法王法法王法如是 ○事起叮嚀削圓方竹杖靴却

紫茸氈 世尊便下座 ○可惜許勞而無功波斯載玉

入市廛一段靈光照阡陌有按劍人無知價夕陽垂

頭入茅店 師拈云大湖浸月長橋臥波 ○此去西天

路八千鷄子過新羅 若非高吟大嚼爭能賞此時情

雖然風流可觀 ○罕逢穿耳客多遇刻舟人 其奈得

便宜處落便宜 ○傍觀有眼奈何取之盡錙銖用之

如泥沙 具眼禪流請辨緇素看 ○無物堪比倫敦我

如何說 次日上堂僧問衲僧箇箇氣宇如王今朝因甚坐在

區宇師云畫餅充飢進云若也論此事如青天白日

更向甚處刻期取證師云路入桃源溪更溪進云慈

明問黃龍雲門三頓棒洞山可喫不可喫意在那裏

師云兩鑊蒺藜進云黃龍云可喫還端的也無師云
直饒山岳也難藏進云明云終日鴉鳴鵲噪喫幾棒
意旨作麼生師云一種是聲無限意有堪聽有不堪
聽僧便禮拜

師乃舉五祖云今日結夏 ○未_レ在更道 無_レ可供養大

衆 ○惡水驀頭潑 作_レ一家宴 ○殘羹餽飯 管待諸人

○鈍置殺_レ人 遂舉手云 ○可惜許 囉囉招 ○温 囉囉

遙 ○良 囉囉送 ○恭 莫怪空踈 ○儉 伏惟珍重 ○讓

師云五祖老人與麼家宴 ○射工含沙待人過 可謂

管待千足百味無欠 ○千足萬足鳩羽落水魚鼈死

雖然如是只是有一時之慶快 ○咦 大德今日結夏

也有箇家宴 ○驢事未去馬事到來 坐者立者俱成

萬年歡見者聞者同唱太平歌 ○有_レ千金資有_レ千金

病 且道其中節拍又作麼生 ○失錢遭罪 以_レ拂子擊

禪牀一下云薰風自南來殿閣生微涼 ○打破鳳林

關著靴水上立

謝首座書記藏主秉拂上堂西來呈師厚靈樹待遇

○非是在_レ睥州 拶折脚行象骨托_レ拳底老尊慈麼脚

底如驢踏慈明堂與 ○非是承_レ冬瓜印子拋_レ靴子於

頭上底匾頭書記麼 法系於其時人焉度乎 ○公驗

分明碧落碑無贗本後之視今如今之視古○何難
之有消歇十方於目前貫通三世於一念子何也智

藏發光資鞭影擊拂子下座○風吹柳絮毛毬走雨
打梨花蛺蝶飛尋常一樣窓前月纔有梅花便不同

謝良和典座上堂舉金牛每日齋時自將飯於僧堂
前作舞○一曲兩曲無人會雨過夜塘秋水淺呵呵

大笑云菩薩子喫飯來○聲聲不可聽使人愁思多師

云金牛和尚務在細嚼難飢只是衆口難調○一味

不能合異鼎之甘獨木不能致鄧林之茂大德今夏

屋裡得有人一衆自然不聽吾臂酸○得衆則得民

失衆則失民諸人要知此人麼卓拄杖云發而當節

言之和○致中和天地位焉萬物育焉

端午上堂僧問文殊令善財採藥善財云盡大地無

有不是藥者此意如何師云穿靴水上立僧云文殊

云是藥採將來意在那裏師云六雙骰子一時赤僧

云善財於地上拈一草草度與文殊意旨作麼生師

云吐舌至頂相僧云文殊云此藥亦能殺人亦能活

人如何識得師云貓兒打筋斗僧云應病與藥是古

來家風和尚作麼生醫無病人師云黑蛇入漆甕僧

云與麼則大法緊要之處誰敢假驢駝藥師云波斯

不過江

乃云端午天中節

○直下即是捏目強生花

諸方盡

咒土書壁

○直下即是莫剋好肉生瘡

以消妖怪認

採藥模樣

○直下即是事起叮嚀

百草頭上做伎倆

我者裡箇箇石人之機箇箇鐵漢之用

○為混沌盡

眉去

水洒不著風吹不入

○又是相似涅槃驪前

見鬼

驀拈拄杖卓一下云森森夏木杜鵑啼

○西天

胡子沒髭鬚

上堂僧問記得良禪客問欽山一鏃破三關時如何
山云放出關中主看意旨作麼生師云水底弄傀儡

進云良云恁麼則知過必改山云夏待何時如何領

略師云一字不著點進云良云好箭放不著所在便

出去未審還有出身處也無師云楚山入漢水進云

山云且來閣黎良回首山把住云一鏃破三關即且

止試與欽山發箭看意在那裏師云天不保惡進云

良擬議山打七棒云且聽這漢疑三十年請訛在什

麼處師云古殿坐者少進云學人若不逢箇節爭敢

知箇事便禮拜師云實須到與麼地

乃云法法本來法

○用本來為什麼

心心無別心

別別珊瑚枝枝撐著月

日午三更後

○是大明咒相

喚賞樹陰

○是無上咒

話盡甘泉景

○羯諦羯諦

成羅含吟

○波羅羯諦

品藻鷹鳩變

○波羅僧羯諦

嘉唱耳德音

○菩提娑婆訶

拍手笑呵呵真鍮不博

金

○焦軋打著連底水

喝一喝云侍者與我點茶來

○可惜許南地竹北地木

半夏上堂半夏已前事

○兔馬有角

諸人知而山僧

不知

○牛羊無角

半夏已後事

○似虎多雙角

山僧

知而諸人不知

○如牛欠鼻巴

正當今日半夏

○錯

知則共知

○果然

不知則共不知

○點

還會麼良久

云 ○幽州猶自可最苦是江南

三段不同收歸上科

○前日風雨裡故人自此去

上堂僧問世界恁麼熱宇宙炎炎不知向什麼處得

回避師云清機歷掌僧云王常侍一日訪臨濟同濟

在僧堂前乃問這一堂僧還看經麼濟云不看經意

在那裏師云石壓笋斜出僧云侍云還學禪麼濟云

不學禪意旨作麼生師云崖懸花倒生僧云侍云經

又不看禪又不學畢竟作箇什麼濟云總教伊成佛

作祖去到者裏如何領略師云調達不得肯僧云侍

云金屑雖貴落眼成翳濟云將為你是個俗漢還端的

也無師云疎田不貯水僧云若恁麼不來爭得恁麼

去師云且看脚下

乃云一法若有毘盧隨在凡夫 ○昨夜金烏飛入海

萬法若無普賢失其境界 ○曉天依舊一輪紅 拈拄

杖云者箇是大德拄杖子 ○鬼哭神悲三叉路口少

人知阿那箇是有無 ○玄沙道底 道得與不道得朝

打三千暮打八百 ○夏有一棒來日使和尚喫擲下

拄杖下座

七月旦上堂僧問暑退涼生樹凋葉落時節因緣不

相謾如何是箇中事師云大家多生機進云記得僧

問雲門不起一念還有過也無門云須彌山作麼生

領會師云莫教平出進云有僧問虛堂老師此意如

何虛堂云買鐵得金意在那裏師云也是可惜許進

云今日問和尚不起一念還有過也無未審如何祇

對師云三生六十劫進云與麼則昔日雲門今日和

尚便禮拜師云禮拜得始得

乃云昨見垂楊綠 ○詩向會人吟 今看落葉黃 ○酒

逢知已飲 祖門擡搦事 ○兩頭三面 物物不隱藏 ○

有錢使得鬼走殘羹餽飯 者箇葛藤即且致向針筒

鼻孔裡倒道將一句來 ○休逼生蠶作繭可憎大智

人好責他愚人若無人道得聽取山僧為你說破 ○

和尚大慈大悲誰不預德伯勞鏡舌不問世

解夏小參僧問和尚一夏以來爲衆勞手脚未審成
得什麼邊事師云崑崙巖生鐵進云恁麼則誰敢辜
負和尚師云放你保殘生進云記得臨濟示衆云赤
肉團上有一無位真人常從汝等諸人面門出入未
證據者看看意旨如何師云不較多進云時有僧出
問如何は無位真人濟下禪牀把住云道道又作麼
生師云若不道取爭得珠轉進云其僧擬議濟托開
云無位真人是什麼乾屎橛便歸方丈還端的也無
師云半開又半合又有僧問記得僧問雪峯乞師指

示峯云是什麼如何承當師云劈腹剜心進云其僧
於言下大悟也是見什麼道理師云捨長就短進云
雲門云雪峯向伊道什麼未審節文在甚麼處師云
錮鏹著生鐵進云古德底且置和尚直下作麼生指
示師云速退速退妨佗別人請問進云不因今日節
誰敢恁麼去師云更有露柱在
乃云法歲周圓 ○一字不著畫 聖制已滿 ○八字無

兩 我者裡荒涼 ○上無片瓦蓋頭下無寸土立足

爽氣最容與 ○萬里無雲時青天須喫棒 不論取證

淺淡 ○莫是相似涅槃麼 不分賞勞輕重 ○死水何

曾振古風攀白雲而高捲○縱使高如何有天追秋

風而長嘯○假令有一法過涅槃我說如夢如化你

汝東西任情逍遙○隨緣放曠外道魔軍草鞋跟寬

無不活路○猶是畫地為牢底若逗到崑崙山頭佗

喬尸迦忽相逢問過驀劄一句只將隔手底祇對不

然五門猛獸欺你在○鵠林有一偈我今歸家否歸

莫我為我我若未歸家須以我為我何故謗斯經故
獲罪如是

復舉翠岩夏末示眾云一夏已來為兄弟東說西話
看翠岩眉毛在麼保福云作賊人心虛長慶云生也

雲門云關師云諸方盡謂俱出隻手扶豎宗風殊不
知巨鼈莫戴三山去吾欲蓬萊頂上行

次日上堂僧問今朝正是解制自恣之辰不知何處
是衲僧遊戲之場師云來鋒有路進云恁麼則十洲
三島草鞋底鴈蕩天台拄杖邊師云也何妨進云僧
問雲門初秋夏末前程忽有人問如何祇對門云大
眾退後作麼生領會師云因邪打正進云僧云過在
什麼處門云還我九十日飯錢來意在那裏師云大
慈妨小慈進云今日忽有人問著作麼生祇對師云
三句前兩句後

乃舉臨濟道有一人論劫在途中不離家舍○錯無

平等差別不順佛法惡差別故有一人離家舍不在

途中○果然無差別平等不順佛法惡平等故那箇

合受人天供養○錯果然點師云諸人要向者裏道

取須向那裏透過○明暗一條去來路若是人天供

養秋風吹渭水落葉滿長安○北俱盧州長粳米喫者無喜復無嗔

謝進退兩班上堂衲僧家尋常用底○佛殿裏燒香

山門頭合掌豈止乎虎視龍望為世所推○牙如劍

擗口似血盆進一步則突出威音王已前○聞見覺

知非一二山河不在鏡中觀退一步則爍迦羅眼裏

藏身○霜天月落夜將半誰共澄潭照影寒因甚如

是擊拂子云天際日上月下檻前山澗水寒○墜葉

雖憐疎雨感黃梁爭似暮雲親

八月旦上堂僧問槿花凝露梧葉鳴秋此中現成事

如何提唱師云答猶未了進云幾人得與麼去師云

只許阿你一箇進云肅宗皇帝問忠國師如何是十

身調御國師云檀越踏毘盧頂上行意在那裡師云

不妨脚下紅絲線不斷進云帝云寡人不會國師云

莫認自己清淨法身又作麼生師云主山騎案山進

云忽有人問如何是十身調御未審和尚如何祇對
師云背短曾長進云恁麼則西風一陣來落葉兩三
片師云三十年後

乃云秋風弄秋雲 ○丹青畫不成 秋色蘸秋水 ○鴛

鴛繡出從君看 氣清如時清 ○錦上鋪花亦一重 道

泰似情泰 ○第二重亦在 禪者之雅興 ○若是明眼

衲僧不喫者般茶飯 道人之嘉景 ○美食不中飽人

喫 頭頭上顯露 ○酒濃元不在多盃 物物上現成 ○眼

高看不到黃金 卓拄杖云是則是三十年後有人加

勸沮去 ○在家只个言為容易臨淵方覺得魚難

中秋上堂僧問靈山話月曹溪指月到者裏如何辨

端的師云三山帽大袖衫僧云馬大師翫月次問西

堂百丈南泉云正當與麼時如何西堂云正好供養

意旨作麼生師云波斯讀尚書僧云百丈云正好修

行又作麼生師云拂地添錮僧云南泉拂袖便行

意在那裏師云起席不謝坐僧云大師云經歸藏禪

歸海只有普願獨超物外如何委悉師云神箭三匝

白猿號僧云古人請訛處和尚已呈露和尚請訛處

未審何人點檢師云天高蓋不盡僧云不因恁麼問

爭識恁麼事師云更須買草鞋僧云浚沈滄海恩波

鬼子國語卷一

濶皎潔秋空氣象高師云如道著須用著

乃云秋中秋月中月四萬二千清光五十由旬靈闕

○夜闌天際墮金盆膝上焦桐調轉新明明重明明

皎潔又皎潔 ○一段風光畫不成擊碎擊碎不擊碎

增瑕類指與話俱納敗缺 ○靈山續鳧曹溪截鶴兩

頭共截斷一劍倚天寒納敗缺還照絕 ○成敗在吾

殺活臨時無物堪比倫教我如何說 ○依稀上已彷彿

重陽或如張婆耳又似李母眉

上堂僧問雲門因僧問如何是法說門云大眾久立
速禮三拜意旨作麼生師云還我話頭來進云如何

是隨意說門云晨時有粥齋時有飯又作麼生師云

一任亂咬進云如何是隨宜說門云三德六味施佛

及僧如何理會師云菴園裡賣葱草進云如何是方

便說門云是汝鼻孔重三介半意在那裏師云露柱

退後進云如何是大悲說門云歸依佛法僧如何辨

端的師云放你三十棒進云雲門一一答話畢竟明

得箇什麼邊事師云南地竹北地木進云不因夜來

鴈爭見海門秋便禮拜師云莫錯舉

乃云功高二儀而不仁 ○有物先天地無形元寂寥

秦時轆轤鑽敗向大食國裏明踰日月而彌昏 ○能

為萬象主，不逐四時凋。肇公只知從事中，得不知從

事上得。○事中也亦錯事上，亦錯理事無礙。總錯何故

且道從事上得底作麼生。○事上事中若有

所得底急須放擲何故，弄泥團漢有何限。良久云殘

葉賦題紅片片遠山供望碧層層。○僧肇要金上添

黃寶峯欲添上加黑點檢看來似互炙手助熱殊不

知君子愛財取之有道。重陽上堂僧問九九佳節謂之重陽只向者裏領去

是第幾機師云什麼處收拾得進云與麼則逢人須

說三分話未可全拋一片心師云六脚蜘蛛上飯牀

進云豈不是老和尚出人妙手師云你因什麼得到

與麼地進云東西南北歸去來師云糊獮摘仙菓

乃云只愛菊花發紫紫。○明明百草頭明明祖師意

頭頭上明物物上明一華百億國一國一釋迦不喜

聞彭祖之術。○假令保彭祖八百歲時一箇老大守

屍鬼堪作何用。只愛秋露凝赤莖。○和盤托出夜明

珠西來消息會者大難翡翠踏翻荷葉雨。不憂忘稚

川之說。○大千世界海中漚一切賢聖如電拂。不憂

不喜。○黃金鑄出鐵崑崙。善哉箇重九節。○夜明簾

外珠癡人按劍立擊拂子下座。

上堂雲門云許多大栗子喫却幾箇 ○不因劉殺書信爭得到洞庭湖 有人喫得三箇韶陽吐却五箇 ○

波斯夜半踏翻襪朝三暮四 有人喫得五箇韶陽吐却十箇 ○暮三朝四璿闈夕陽倒騎驢者箇些子緇

素辨得出山僧分半院與你 ○生門易過死門難過逆順無拘底為什麼不出手

閨月旦上堂拈拄杖云一切諸佛及諸佛阿耨多羅三藐三菩提法皆從此經出 ○試問此經又却在何處

出鵝林即不然一切諸佛及諸佛阿耨多羅三藐三菩提法及和拄杖子總是出不得

卓拄杖一下云看

看大德拄杖子為你諸人此經科分細大義理一

指注 ○拗折山形拄杖子從來大地黑漫漫而見諸

人猶不知不了 ○我憶南泉好言語如是癡鈍亦復

稀高聲唱云四時禁土節三年有一閏又卓一下 ○

八萬四千人俱得未曾有皆大歡喜信受奉行

上堂黃葉滿地寒鴈橫空 ○鴛鴦繡出從君看莫把

金針度與人彼此出家彼此行脚 ○衣架走飯囊動

永平祖師曰戴笠隨東西風漫東西附正法魔黨謗

正法外道佛手遮不得人心似等閑 ○無門云任緣

放曠外道魔軍張公堦了李家店草舍茅菴短作程

夏擬問如何。○咄不勞再勘當頭霜夜月任運落前溪。○好箇者大大又與麼去。

開爐上堂僧問辭柯黃葉已成堆整頓圍爐就地開時節一句如何體會師云莫教擁山帳進云有人入剎那去亦如何師云前言不副後語進云趙州示眾云三十年前南方火爐頭有箇無賓主話直至而今無人舉著意在那裡師云三箇柴頭品字燒進云未審有甚麼難舉著麼師云近之燎却面門進云學人進前退後自由自在是舉著不舉著師云且過者邊著進云便是兩彩一賽底師云大有有人點頭進云不入

虎穴爭得虎子便禮拜師云相識滿天下

乃云法昌十六高人。○癩兒牽伴怕寒懶剃髮鬆髮

○尋常一樣窓前月纔有梅花便不同。趙州無賓主

話。○又是千年茄子根。愛暖頻添掬拙柴。○自是挑

花貪結子錯教人恨。五夏風。大德門下終不向針頭

削鐵何也。今日十月一開爐免帽子。○火待下熱風

待月涼只恨觸著家風。

謝監收維那上堂齊之則泥土舒大顏。○山河大地

萬象森羅醯雞蟹虻草芥人畜一一放大光明一一

壁立萬仞約之則水滴難以通。○晉楚失其富貴育

失其勇王侯失其貴柳失綠花失紅
恁麼並務致令

各各投其方圓之器安其上下之居
○帝王之德莫

大於知人知人則百僚任職天工不曠
是謂之紀綱

清嚴收放有則
○致中和天地位焉萬物育焉及乎

究其端由豈止還丹一粒點鐵作金
○諸方盡言兩

朝國師雷聲浩大雨點全無

上堂卓拄杖云拄杖子若不相當
○鵝林云拄杖子

決定不相當是什麼物得不相當便下座
○上下四

維十方法界曠劫已前曠劫已後一物不相當何故

東山下左邊底

冬至小參僧問一氣潛通萬彙發生不涉時節願聽

提唱師云鼻孔占却三畝之地進云為山問仰山伸

冬嚴寒年年事晷運推移事若何仰山近前叉手而

立意旨如何師云一字入公門九牛車不出進云為

云誠知子答者話不得又作麼生師云見人富貴常

歡喜進云時香嚴至為山舉前話嚴云某甲偏答得

者話為復問嚴亦近前叉手而立如何領略師云借

婆裙子拜婆年進云為云賴遇寂子不會畢竟如何

師云鷄鳴不著時隣人半夜行進云今日有人問仲

冬嚴寒年年事晷運推移事若何未審和尚如何祇

對師云夜聞祭鬼鼓朝聽樂神歌進云與麼則來日
一陽生便禮拜師云一任記取

乃云陰魔消盡陽氣發時無硬地 ○妙玄無私句律
管先知 ○體妙無盡句 壠頭梅綻不萌枝 ○針筒藥

袋放不得 直得皓老布褪麻線易通 ○猛虎不食其
子 鏡清卧單駢拇難開 ○道士不愛還丹 縱饒迄于道

所以陰陽不測者空洞無象 ○江碧鳥愈白 所以造
化不宰者潛微幽隱也未是出書雲令節 ○循規守

矩無繩自縛 是故山僧只望以五日為一候以半月
為一氣之流漏泄箇仲冬嚴寒事物物對偶機 ○翻

笑忘機自安者不能垂手入塵勞 其或似阿房曳衣
底東山水上行 ○固我意必忘足履之適也忘腰帶

之適也忘是非心之適也
復舉慈明冬至榜 ○柔能制剛弱能制強柔者德也

剛者賊也慈明老師眉如箭斡眼似銅鈴鬼神亦畏
若有者漢取一片黃布來掛著榜邊明一見必打破

榜若果然非只報佛恩復免得後人點檢豈惹許多
葛藤麼 師拈云東弗于代日下東 ○明如十日無遺

照 西瞿耶尼月氏西 ○碧落碑無贗本 解笑者多解
晒者少 ○珊瑚枕上兩行淚半是思君半恨君 若也

今晚放參一冬二冬又手當胸 ○ 噫噫如律令

因雪謝寺齋秉拂上堂演出普賢信口偈 ○ 梅邊殘

月無疎影竹裏清風有落花 擊來香積無盡飯 ○ 溪

溪絕無樵子語陰崖却有獵人來 要知兩彩一賽處

麼 ○ 捍聚不散 卓拄杖一下云吽吽 ○ 以

字不成八字非爍迦羅眼 絕纖埃短袴長衫白苧巾

咿咿月下急推輪洛陽路上相逢著 悉是經商賣買人

有什麼餽饌飽子快下將來

謝兩班上堂諸佛放光明助發實相義 ○ 水不洗水

金不博金 釋迦老子非但當年之益 ○ 佛以一音演

說法眾生隨類各得解 且要使吾沙門於五濁惡世

中鬪諍堅固時 ○ 何處得者消息來 若是吾沙門不

見有五濁惡世况是鬪諍堅固時 拋却人我擔子除

却高下情謂 ○ 下載清風付與誰 放不下擔取去互

作主伴 ○ 眾生無邊誓願度煩惱無盡誓願斷法門

無量誓願學佛道無上誓願成 箇實相無相 ○ 南村

北村雨一犁新婦餉姑翁噴兒 微妙解脫法門 ○ 天

高東南地傾西北 久住於世間全億劫利濟 ○ 我常住

於此常說法教化無數億眾生 實相義且致如何是

諸佛放光明 ○ 青原伯家三盞酒喫了猶言未濕唇

良久云東山拍手西山舞○江碧鳥愈白山青花欲然

因雪上堂危木風寒空山雪白○山家富貴銀千樹

漁父風流玉一蓑○鷺鷥立雪非同

龐蘊枝頭藏身○鷺鷥立雪非同

色象骨巒塢氣索○山帶夕陽半邊紅 住住○改頭

換面他人住處我不往○石頭和尚來也看走何處

去他人行處我不行○草菴之歌言猶在耳脚跟未

點地不是與人難共聚○腦後見腮莫與往來 大都

緇素要分明喝一喝○鳥黑鷺白緇素何處不分明

臘八上堂僧問釋迦老子半夜逾城雪山六年一麻

一麥是什麼心行師云針鋒頭上翻筋斗僧云正當

明星現時忽然悟去還端的也無師云似地擎山不

知山之孤峻僧云只如一人發真歸源大地衆生在

什麼處師云金剛腦後三斤鐵僧云釋迦老子顛言

倒語云奇哉一切衆生悉具如來智慧德相既是無

風起浪如何得大乎去師云寒雨洒空寒風匝地僧

云學人今日小出大遇便禮拜師云撒手那邊去

乃云半夜逾城直上雪山○何處得者箇消息來無

謗如來好 既是道士擔漏卮○又是魯般緇墨 更說

於明星現處忽然悟去○正狗不偷油雞噉燈盞走

大似捏目見空花

○和尚眼花寒拾亦難掃除大德

未嘗不解烏頭養雀兒 ○欲遂遷居之志須求分燭

之隣卓拄杖云南斗七北斗八

歲且雪下上堂 除夜大風吹 昨夜舊年風 ○上大人

丘乙巳 今朝新歲雪 ○化三千七十士 雪帶舊年寒

○你少生八九子 風和新歲節 ○可作仁可知禮也

阿呵呵我家好驅儺 ○立春大吉祥 向後絕災禍 ○

信手拈來著著親 絕災禍東西南北皆可 ○祥光

輕浮丈方地南極老人獻壽香 龍寶從茲爐竈大 ○

伏以 堂頭和尚萬福

知非一二山河不在鏡中觀 退一步則燦迦羅眼裏

藏身 ○霜天月落夜將半 誰共澄潭照影寒 因甚如

是擊拂子云天際日上月下檻前山波水寒 ○墜葉

雖憐疎雨感黃梁 事似暮雲親

八月旦上堂僧問種花凝露梧葉鳴秋此中現成事

如何提唱師云答猶未了進云幾人得與麼去師云

只許阿你一箇進云肅宗皇帝問忠國師如何是十

身調御國師云檀越踏毘盧頂上行意在那裡師云

不妨脚下紅絲線不斷進云帝云寡人不會國師云

莫認自己清淨法身又作麼生師云主山騎案山進

云忽有人問如何是十身調御未審和尚如何祇對
師云背短曾長進云恁麼則西風一陣來落葉兩三
片師云三十年後

乃云秋風弄秋雲 ○丹青畫不成 秋色蘸秋水 ○鴛

鴛繡出從君看 氣清如時清 ○錦上鋪花亦下重 道

泰似情泰 ○第二重亦在 禪者之雅興 ○若是明眼

衲僧不喫者般茶飯 道人之嘉景 ○美食不中飽人

喫 頭頭上顯露 ○酒濃元不在多盃 物物上現成 ○眼

高看不到黃金 卓柱杖云是則是三十年後有人加

勸沮去 ○在家只言為客易臨洲方覺得魚難

師云嘆

乃舉僧問風穴語默涉離微如何通不犯 ○慣戰作

家虎頭戴角出荒草 穴云常憶江南三月裡鴈鴣啼

處百花香 ○寒毛卓豎者僧恰似那叱把鐵鎚劈面

揮不知風穴立佗鎚子上轉身 諸人要見風穴麼只

識取常憶兩字 ○若向常憶兩字上要見風穴千里

萬里 其如未然離微體淨品 ○又是寒毛卓豎若是

無後語國師兒孫豈得到今日且宜哉扶桑之雲門大

師

四月且上堂僧問鵲噪柳絲亂龜遊荷蓋傾此中現

成事未審如何提唱師云青青不入時人意僧云瀉山示衆云有句無句如藤倚樹意旨作麼生師云八十翁翁牙根堅僧云踈山云忽遭樹倒藤枯句歸何處又作麼生師云見之不取思之千里僧云瀉山放下泥盤呵呵大笑意有那裏師云黃連未是苦僧云獨眼龍云教瀉山笑轉新如何委悉師云屋裡鸞楊州僧云踈山言下知歸乃云瀉山笑中元來有刀還端的也無師云誰知席帽下元是昔愁人僧云上來一一蒙指示向上宗乘又如何師云拄杖頭上挑日月僧云不行尊貴路爭踏頭關便禮拜師云好看脚下

乃拈拄杖卓一下云有人似者箇觸處築著磕著○
玄武持世則爲人慳吝奸雄

有人不似者箇隨物七

穿八穴 ○白虎扶身則賦性剛強狠毒

且道諸訛在

甚處 ○伏請和尚自家點檢良久云滿地落花春已

過綠陰空鎖舊莓苔 ○點 又卓一下

佛誕生上堂僧問世尊初降生指天指地周行七步云天上天下唯我獨尊意旨如何師云日出乾坤輝僧云雲門云我當初若見一棒打殺與狗子喫貴圖天下太平端的在那裡師云知恩方解報恩僧云雪竇云我當初若見便與掀倒禪床又作麼生師云鬼

爭添桶僧云只如今朝諸方出手灌沐金軀與二大老用處是同是別師云千年田八百主僧云千峯勢到岳邊止萬派聲歸海上消便禮拜師云也何妨乃云將三界二十八天作箇佛頭○依稀南海儵彷彿北海忽可憐渾沌氏七日而其死乎將金輪水際

作箇佛脚○阿耶耶將四大州作箇佛身○果然將

一切情與無情作箇佛脾胃肝膽○七花八裂恰如庖丁解牛如是則諸人盡在箇佛肚裏起坐經行若

也在肚裏爭能灌沐淨智莊嚴功德身若道灌沐無妨向甚處安身立命○淨智莊嚴功德聚擊拂子下

座

結夏小參僧問烏兔如馳聖制已臨正當恁麼時請師提唱師云好只與麼去僧云如何是圓覺伽藍師云逼塞虛空僧云如何是平等性智師云月白風清僧云畢竟如何安居師云直饒恁麼也未真僧云者箇則且置和尚莫別有結制底一句麼師云前三三後三三僧云可謂石長無根樹山藏不動雲便禮拜師云道得始得

乃云古來有一段事○從來無一星事常時明明如白○盡大地昏昏如漆向之隔千里○從來無能所

背之在目前 ○何處有向背 得而難收 ○水投水通

而難親 ○空合空 所以西天於三月九旬中聚集四

聖六凡 ○者裡佛祖乞命豈容四聖六凡 以大圓覺

為我伽藍 ○歷劫無名休強安著名字 身心安居平

等性智 ○金屑雖貴落眼成翳 寶山今夏也隨例結

箇聖制 ○有例攀例 不見粥飯精麤不分茶湯清醲

○豈是分外事林下人必應如此 隨根機忍耐任肚

皮大小整頓手脚護惜黑柱 ○者大小繫驢楸縱萬

劫護惜得堪作甚用 只是許堆堆地不許成就慧身

○好箇七村裏土地 何故卓拄杖云鼻孔元來掛上

脣 ○猶是鬼家活計雖然與麼真正惡毒瞎老漢一

掃四海今古無兩箇只恨眼裏栽兩莖鬚

復舉古德道若是全舉揚宗乘你等諸人向甚處領

會 ○大掖芙蓉未央柳芙蓉如面柳如眉 所以古今

獨露隱顯無方 ○手把琵琶半遮面不令人看轉風

流 師拈云古德大似王母獻七枚神桃乘彩雲之聳

和明月而去也 ○律陀掌上菴摩羅果直饒鬼神難

隱身

次日上堂僧問一峯雲片片雙澗水潺潺莫是二千

年前消息麼師云認著却不是進云古者道護生須

是殺殺盡始安居會得箇中意鐵舩水上浮意旨如何師云能有幾箇進云如何是護生須是殺師云何必恁麼進云如何是殺盡始安居師云一向無孔鐵鎚進云如何是箇中意師云豈獨孤負進云鍊舩水上浮又作麼生師云下載清風付與誰進云只如朝行西天暮歸東土還有禁足底道理也無師云路途雖好不如在家進云恁麼則十洲三島鶴乾坤四海五湖龍世界師云分身兩處看

乃云經行及坐卧常在於其中 ○者中縱雖佛祖不能經行坐卧既而如是今朝因甚別立規矩禁足護

生 ○空劫以來者裏半箇亦不見立規矩禁足安居

底還會麼良久云以大圓覺為我伽藍身心安居平等性智 ○秋天曠野行人斷馬首西來知是誰

謝首座書記藏主秉拂上堂拈拄杖卓一下云風穴云若立一塵家國興盛野老頓覺 ○新婦面上添笑

靨却向錦繡幕裡行 雪竇頌云野老從教不展眉 ○聽之於未聞察之於未形而鑒其神智識其才能可

謂知人 且圖家國立雄基 ○若功成事遂然後知之者何異耳聞雷聲而稱為聰目見日月而謂之明乎

山僧要與拂子知其人不加雲門兒孫有二三句體調

○莫嫌襟上斑斑色是妾燈前滴淚縫

又卓拄杖下

座

五月且雨下上堂霏霏梅雨洒危層五月山房冷似

水 ○半陂飛雨半陂晴漁曲翻秋野調清

雪竇老老

大大向諸人面前翻筋斗 ○大德開祖即今入諸人

眼睛裏安眠高卧 若人見得拖泥帶水 ○若人見得

福壽延長

端午上堂僧問和尚從來應箇節箇時作麼生與人
看師云不肯為你進云既能恁麼會去一生參學事
了畢也無師云合取勸醫著進云記得文殊令善財

採藥善財云盡大地無有不是藥者此意如何師云

相去多少進云文殊云是藥採將來善財拈一莖草

度與文殊意在那裏師云少一吋不生剩一吋不死

進云大家鍊團團無有一箇病未審文殊為誰要藥

師云專為七佛進云善財因甚將錯就錯師云家無

小使不成君子進云和尚與麼答話為是與文殊善

財雪屈為復是古今一路行師云岸谷無風徒勞展

掌進云若不因今日節爭知作家體裁便禮拜師云

叫

乃云今朝是五月五 ○陰陽不到處一片好風光不

用挑符白澤

○挑符白澤亦可也不風流處也風流

只諷誦佛祖至靈大神咒

○若其至靈大神咒不勞

和尚拈出何故行雲流水墜葉飛花如何迴避去消

滅一切障難

○者裡全無障難

成熟一切吉事○何

處著吉祥

且道那箇神咒

○明眼衲僧入門即話墮

振威喝一喝

○橫諾諾

上堂僧問今朝為法大眾雲集未審和尚說箇什麼

法師云家家觀世音進云正與麼時學人如何得領

略去師云拈起簸箕別處春進云記得僧問趙州狗

子還有佛性也無州云無此意如何師云穿過髑髏

裏進云一切蠢動含靈皆有佛性為甚狗子還無佛

性州云為佗有業識性故作麼生辨端的師云藏身

露影進云上來分明蒙指示今日有問狗子還有佛

性也無和尚如何祇對師云去非你境界進云恁麼

則昔日趙州今日和尚便禮拜師云能知始得

乃云久雨已晴○南無大圓滿十方光相如來處處

曬眼皮艸

○南無法界一相莊嚴王如來

曬眼皮艸

即且致

○南無純清絕點微妙相如來

明見天日一

句試道來看

○南無一念萬念精進王如來

若無人

道得山僧今日失利

○伯夷死名於首陽下盜跖死

利於東陵上擊拂子下座

半夏上堂僧問結制已過半九夏炎炎日木人汗不
輟如何生清涼師云脫却鶻臭布衫進云與麼則六
月賣松風人間恐無價師云箇箇秘在形山進云記
得龐居士參問江西馬祖云不與萬法為侶者是什
麼人意旨作麼生師云咽喉出氣得也未進云祖云
待汝一口吸盡西江水即向你道意在那裏師云騎
聲入耳進云居士於言下頓領旨還端的也無師云
早知落第二機進云可謂親言出親口師云且退且
退

乃云約日月知晝夜

○天際日上月下

約晝夜知時

節○檻前山澗水寒

箇箇常情也

○經一事長一智

只如天地未剖文彩未彰已前

○高山白浪起海底

紅塵颺狗吠乞兒後牛耕農夫前

還喚今日作半夏

即是○印空印水印泥不作半夏即是

○印泥印水

卓拄杖云六月不熱五穀不結

○可惜許

上堂僧問南山起雲北山下雨此中親切處願聽舉
揚師云千里萬里轉霧霈進云恁麼則把斷要津去
也師云打水魚頭痛進云仰山謂香嚴云如來禪許
師兄會祖師禪未夢見在未審意在那裏師云蠅何

見血進云如何是如來禪師云靜處娑婆訶進云如
何是祖師禪師云鏡輪碎石進云如來禪與祖師禪
相去多少師云湘之南潭之北進云者箇則且置作
麼生是和尚禪師云大坐須彌頂上進云不因樵子
徑爭到葛洪家便禮拜師便喝


乃橫拄杖云若從者裏便去山河大地齊稽顙○聞
見覺知非一一卓拄杖一下云若從者裏便去森羅

萬象盡放光○山河不在鏡中觀又畫一畫云從者

裏去底亦作麼生請各各歸寮舍自摸索看○誰共
澄潭照影寒

槐安國語卷一終

138
5
81



019374-001-6

138-81

槐安国語 (校訂)

慧鶴/著

M18.9

ABG-0066

